

書名 杜氏通典二百
卷 嘉靖十八
年西樵方獻夫
刊本

撰者 唐 杜佑 撰，
明 王德益、
吳鵬 同校

卷 卷七十六

內容分類 史·政書·歷代通制

索書號 貴重-17

編號 B3510400

卷七十六



[彩色首頁1](#)

[東洋文化研究所漢籍目錄 編號: B3510400](#)

[東洋文化研究所漢籍目錄所藏漢籍善本全文影像資料庫 索書號: 貴重-17](#)

[漢籍善本全文影像資料庫文本 杜氏通典二百卷 嘉靖十八年西樵方獻夫刊本](#)

[版權所有: 東京大學 東洋文化研究所](#)

[使用上的注意事項](#)

杜氏通典卷第二十五

職官七

諸卿上 總論諸卿
少卿附

太常卿 丞奉禮郎主簿
太樂署 鼓吹署 兩京郊社署
太醫署

太卜署 太樂署 太醫署
太卜 太樂署 太醫署
太卜署 太樂署 太醫署
太卜署 太樂署 太醫署

光祿卿 丞良醞署主簿
良醞署 掌醞署 太官署 珍羞署

衛尉卿 丞守宮署主簿
守宮署 武庫署 武器署
武庫署 武器署

宗正卿 丞諸陵署主簿
諸陵署 太廟署 崇玄署

太僕卿 丞典牧署主簿
典牧署 乘黃署 諸牧監
乘黃署 諸牧監

大理卿 正司直丞評事監
正司直丞評事監

諸卿附 少卿

也聘女納徵也瑑瑑璋八寸璧琮八寸繅皆二采一就加於束帛也瑑瑑璋八寸璧琮八寸繅皆二采一就
 以頌頌頌寡來曰聘后琮享大夫衆來曰瑑瑑以徵守以
 恤凶荒瑑瑑荒之國則授之執以徃致王命焉牙章
 中璋七寸射二寸草寸以起軍旅以理兵守二璋皆
 之飾於琰側兵守用兵琰瑑以易行以除慝
 所守也琰音側魚反瑑瑑以易行以除慝瑑瑑亦
 瑞節也琰瑑有鋒芒傷害征伐誅討易大璋七寸射
 惡行令為善者則以此瑑責諭以告也
 四寸諸侯以聘文納徵加於束帛也

杜氏通典卷第七十五 終

杜氏通典卷第七十六

禮三十六軍 沿革三二十六

天子諸侯將出征類宜造禡并祭所過山川

較祭

天子諸侯四時田獵

出師儀制

命將出征

宣露布

天子諸侯將出征類宜造禡并祭所過山川

周 梁 北齊 隋 大 唐

周制天子將出征類于上帝享于社造于楯肆師為

帝位帝位五德之帝所祭于南郊者類宜造皆祭名

類遠云天道遠以事類而祭告之也社主殺戮

故求便宜社主陰萬物於此斷殺故曰宜造至也謂

至父祖之廟也言禰者辭時先從卑不敢留尊者久

也將出者謂禰於所征之地禰師祭也為兵禱也其

行幸巡狩云若至所征之地祭者則以黃帝蚩尤之

神故亦皆得云禰神也若田符但祭蚩尤而已受

命於祖以遷廟主載于齋車以行專故言受命必以

遷主行言無遷主以幣帛皮珪告于祖禰遂奉以出

必有尊也載于齋車以行每舍奠焉而後就舍敢即安也所告

不以出即埋之若有遷主則載遷主而行此幣帛遂埋於階間反必告設奠卒飲幣

王藏諸兩階之間乃出蓋奠命也受成於學謀也過

大山川則用事焉用事令出祿用祭事告之凡出

征執有罪反釋奠于學以訊誠告釋菜奠幣禮先師

者諸侯將出征宜社造禰及無遷主以主命並如天子

之制○梁天監初陸璉定軍禮依古制類造等用牲

幣帝曰宜者請征討得宜造者稟謀於廟類者奉天

時以明伐並明不敢自專陳幣奉命可也璉不能對

嚴植之又爭之於是告用牲幣反亦如之○北齊天

子親征纂嚴則服通天冠文物克庭有司表更衣乃

入冠武弁左貂附蟬以出誓訖其日備法駕乘木輅

以造于廟載遷廟主於齋車以俟行次宜于社有司



坎前讀盟文割牲耳承血皇帝受牲耳徧授大將乃寘於坎又軟徧又以寘坎禮畢埋牲及盟書又日建牙旗於壇祭以太牢及所過名山大川有司致祭將屆戰所卜剛日備玄牲列軍容設於夜地爲壇而禡祭大司馬奠矢有司奠毛血樂奏大濩之音禮畢徹牲柴燎戰前一日皇帝禱祖司空禱社戰勝則各報以太牢又用太牢賞用命于祖引功臣入旌門即神庭而授板焉又罰不用命于社即神庭行戮訖振旅而還格廟詣社訖擇日行飲至之禮文物克庭有司執簡記年號月朔陳六師凱入格廟之事飲至策勲之美用述其功不替賞典焉○隋制天子行幸有司祭

所過名山大川岳瀆以太牢山川以少牢若親征及巡狩則類上帝宜造社廟還禮亦如之大業七年征高麗煬帝遣諸將於蒯城南幸乾河上築社稷二壇設方壇行宜社稷帝齋於臨朔宮懷荒殿與告官及侍從各齋於其所十二衛兵士並齋帝衮冕玉輅備法駕禮畢御金輅服通天冠還宮又於宮南類上帝積柴燎壇設高祖位於東方帝服大裘而冕乘玉輅祭奠玉帛並如宜社諸軍受胙畢帝就位觀燎乃出將發帝御臨朔宮親授節度遂出其大駕具出師儀篇是歲行幸觀海鎮於禿黎山爲壇祠黃帝行禡祭皇帝及諸陪祭近侍官諸軍將皆齋一宿有司供帳設位爲埋

坎神座西北內壝之外建二旗於南門外以熊席設
帝軒轅神座皇帝出次入門群官定位皆再拜奠禮
畢還行宮○大唐制車駕行幸及親征有司類宜造
馮如開元禮

較祭隋同 後周 大唐

周制天子將出師太馭掌馭玉輅以祀及祀較王自
左馭馭下祝受登轡祀較遂驅之行山曰較祀之者
封土為山象以菩
芻棘栢為神主既祭之以車轡之而去喻無險難也
春秋傳曰跋涉山川自由也王由左馭禁制馬使不
行也較音蒲及祭酌僕僕左執轡又祭兩軹祭軹乃
末反音音負及祭酌僕僕左執轡又祭兩軹祭軹乃
飲軹謂兩軹軹謂車軹○後周迎太白出國門而較
祭○隋制皇帝行幸親巡狩則較祭其禮有司於國

門外委土為山象設埋塹有司牽羊陳俎豆駕將至
委奠幣薦脯加羊饌埋於塹駕至太僕祭兩軹及軹
乃飲授爵遂轅較上而行○大唐車駕親征如開元
禮

天子諸侯四時田獵周 宋 梁 隋 北齊 大唐

周制天子諸侯無事則歲行蒐苗獮狩之禮仲春教

振旅司馬以旗致民平列陣如戰之陣以旗者立旗
期民於其下

也兵者凶事不可空設因蒐狩而習之凡師出曰治
兵入曰振旅皆習戰也四時各教民以其一焉春習
振旅兵入收衆事王執路鼓諸侯執鼗鼓軍將執晉
於農平猶正也

鼓師帥執提旅帥執鼗卒長執鐃兩司馬執鐸公司

馬執鐃晉鼓職曰以路鼓鼓鬼享以鼗鼓鼓軍士以
金鐃通鼓以金



獨節鼓提謂馬上鼓有曲木提持立馬鬃上者故謂之提杜子春云公司馬謂五人為伍之司馬也鄭玄謂王不執鼓向之於諸侯也伍長謂以教坐作進之公司馬者雖卑亦同其號鼓音墳

退疾徐疏數之節習戰法遂以蒐田有司表貉誓民鼓遂圍禁火弊獻禽以祭社春田為蒐有司大司徒也掌火田役治徒庶之政令

表貉立表而貉祭也誓民誓以犯田法之罰也誓曰無干車無自後射立旌遂圍禁火弊火止也春田主

用火因焚萊除陳草皆殺而火止獻猶致也田止虞人植旌衆皆獻其所獲禽焉詩云言私其縱獻肩于

公春田主祭社者土仲夏教芟舍如振旅之陣群吏方施生也貉讀為碼

撰車徒讀書契辨號名之用帥以門名縣鄙各以其名家以號名鄉以州名野以邑名百官各象其事以

辨軍之夜事其他皆如振旅芟舍草止之也軍有草校錄軍實之凡要號名者微識所以相別也鄉遂之屬謂之名家之屬謂之號百官之屬謂之事在國以

表朝位在軍又象其制而為之遂以苗田如蒐之法以備死事夜事戒夜守之事

車弊獻禽以享夏田為苗擇取不孕孳者若治苗也夏田主用車示所取物希殺而車止初宗廟之夏祭也冬夏田主於祭宗廟者陰陽始起象神之內

仲秋教治兵如振旅之陣王載太常諸侯載旂軍吏載旗師都載檀鄉遂載物郊野載旒百官載旗各

書其事與其號焉其他皆如振旅軍吏諸軍帥也師都遂大夫也鄉遂

鄉大夫也或載獯或載物衆屬軍吏無所將也郊謂鄉遂之州長縣正以下也野謂公邑大夫載旂者以其將美卒也百官卿大夫也載旗者以其屬衛王也

凡旌旗有軍象者畫異物無者帛而已書當為畫皆畫以遂以獮田之法羅弊致禽以祀祊秋田

雲氣也羅幣網之也秋田主用網中殺者多也皆以綱殺也祊當為方秋田主祭四方報成萬物詩云以

社以仲冬教大閱春辨鼓鐸夏辨號名秋虞人萊所

辨旗物至冬閱簡軍實

虞人萊所

辨旗物至冬閱簡軍實

虞人萊所

虞人萊所



田之野為表百步則為二表又五十步為一表田之

日司馬建旗于後表之中群吏以旗物鼓鐸鑼鏡各

帥共民而致質明弊旗誅後至者乃陳車徒如戰之

陣皆坐虞人萊所田之野芟除其草萊為可陣之處

列也四表積二百五十步左右之廣當容三軍步羊

數未聞致致之司馬質正也弊仆也皆坐當聽誓君

吏聽誓于陣前斬牲以左右徇陣曰不用命者斬之

群吏諸軍帥也陣前南面嚮表也月令季秋天子教

于田獵以習五戎司徒摺朴北面以誓之此大閱禮

實正歲之仲冬而說季秋之政於周為仲冬為月令

者失之矣斬牲者小子也凡誓之大畧其誓湯誓之

屬是也中軍以鼙令鼓鼓人皆三鼓司馬振鐸群吏作

旗車徒皆作中軍中軍之將也天子六軍鼓行鳴鑼車徒皆行及表乃止三鼓擁

鐸群吏弊旗車徒皆坐二三而居一偏群吏既聽誓

各復其部曲中軍之將令鼓鼓以作其士衆之氣鼓

也既起鼓入擊鼓以行之伍長鳴鑼以作衆作起

曰公司馬及表自後表前至第二表三鼓者鼓入也

痺讀如豕鹿之鹿掩上振之為掩擲者止行息氣也

司馬法曰鼓聲不過閭鼙聲不過闕鐸聲不過琅闐

音吐剛反闐又闐又三鼓振鐸作旗車徒皆作鼓進鳴鑼

音土答反又三鼓振鐸作旗車徒皆作鼓進鳴鑼

車驟徒趨及表乃止坐作如初趨者赴敵尚疾之漸

人之心及表自第一表乃鼓車馳徒走及表乃止及表自

至前鼓戒三闕車二發徒二刺鼓戒成攻敵也鼓一

通書卷之十一

五



通書卷之十一

六

前後有屯百步有司巡其前後險野人為主易野車

為主冬田為狩言狩取之無所擇也軍門曰和今謂

也左右或出而左或出而右有司平之鄉師居門正

其出入之行列也旗軍吏所載也分地調其部曲疏

數前後有屯百步車徒異群相去之數也軍徒畢出

於和門鄉師又巡其行陣鄭玄云險野人為主人居

前易野車為既陣乃設驅逆之車有司表貉于陣前

驅驅出禽獸使趨田者也逆逆中軍以鼙令鼓鼓入

要不得令走設此車者田僕也

皆三鼓群司馬振鐸車徒皆作遂鼓行徒銜枚而進

群司馬兩司馬也枚狀如著銜之有天子殺則下大

繩結項中軍法止語為相疑惑也

綏諸侯殺則下小綏綏有虞氏之旌大夫殺則止佐

車佐車止則百姓田獵逆之車大獸公之小禽私之

獲者取左耳鄭玄云大獸公之輸之于公小禽私之

以自界也獲得禽獸者取其左耳當以

計功及所弊鼓皆成車徒皆樂及所弊至所弊之處

諸侯蒐狩有常至其常處史士鼓譟象攻敵尅勝而

喜也疾雷擊鼓曰馘譟驩也書曰前師乃鼓譟諫亦

謂喜也馘音徒乃弊命致禽饁獸于郊入獻禽以享

馘音徒乃弊徒止也冬田主用衆物多衆得取也致禽

烝饁獸于郊聚所獲禽因以祭四方之神於郊月令

季秋天子既田命主祠祭禽於四方是也入又以禽祭宗廟說曰天生五材人並



用之廢一不可誰能去兵歷代以來禍亂之作非武

不定是以君子習之孔子曰不教民戰是謂棄之王

制曰天子諸侯無事而不田曰不敬田不以禮曰暴

天物左氏傳曰春蒐夏苗秋獮冬狩皆於農隙以講

武事三年治兵入而振旅歸而飲至以數軍實昭文

章明貴賤辨等列順少長習威儀也穀梁傳曰因蒐

狩以習用武事禮之大者也艾蘭以為防蘭者草也

限置旃以為轅門旃旗之名通帛為旃以為葛覆質

以為墊葛或為葛門中桌也流旁表握御擊者不得

入流旁表握謂車兩轆頭各去門邊旁車軌塵塵不

馬候蹄疾相投掩禽旅衆禽御者不失其馳然後

射者能中不馳過防弗逐不從奔之道也戰不逐

面傷不獻嫌誅不成禽不獻禽雖多天子取三

十焉一為乾豆謂自左腰而射達于右臑為上二為

賓客謂射右耳三為充君之庖謂射左臑達於其餘

與士衆以習射於射宮取三十以供乾豆賓射而中

田不得禽則得禽射而不中田得禽則不得禽是以

知古之貴仁義而賤勇力也射以不爭為仁揖讓為義宋文帝

元嘉二十五年閏二月大蒐於宣武場主司列奏申

攝尅日校獵百官備設行宮殿便坐於武帳岡王公

百官便坐幔省如常儀設南北左右四行旌門建旗

以表護車殿中郎一人典護車主者二人收禽吏二

十四人配獲車十二兩校獵之官著袴褶有帶三品

以上權乃備鞘麾幡三品以下帶刀皆騎乘將領部

曲先獵一日布圍領軍將軍一人督右甄護車將軍

一人督左甄大司馬一人居中董正諸將悉受節度

殿中郎率護軍部曲在大司馬之後尚書僕射以下

諸官曹令史等至日會於宣武場列為重圍設留守



填街位於雲龍門外內官道北外官道南以西爲上
設從官位於雲龍門內大官階北小官階南以西爲
上設先置官位於行上車門外內官道西外官道東
以北爲上設先置官還位於廣莫門外道之東西以
南爲上校獵日平旦正直侍中奏中嚴上水一刻槌
一鼓爲一嚴上水二刻奏槌二鼓爲再嚴殿中侍御
史奏開東中華雲龍門引仗爲小駕鹵簿百官非校
獵之官著朱衣集到廣莫門外留守填街後部從官
就位前部從官依鹵簿先置官先行上水三刻奏槌三
鼓爲三嚴上水四刻奏外辦次正直侍中散騎常侍給
事黃門侍郎散騎侍郎軍校劔履進夾上閣正直侍中

負璽通事令史帶龜印中書之印上水五刻皇帝出著
黑介幘單衣乘禁正直侍中負璽陪乘不帶劔殿中侍
御史督攝黃麾以內次正直侍中次正直黃門侍郎護
駕在前又次正直侍中佩信璽行璽與正直黃門侍郎
從護駕在後不鳴鼓角不得諠譁以次引出警蹕如常
儀車駕出讚陛者再拜皇太子入守車駕將至威儀唱
引先置前部從官就位再拜車駕行至殿前迴輦正直
侍中跪奏降輦次正直侍中稱制曰可正直侍中俛伏
起皇帝降輦登御座侍臣升殿直衛鉞斫立戟武賁毛
頭文鶡尾以次到正階正直侍中奏解嚴先置從駕
百官還便座幔省皇帝若親射禽變服戎服如校獵儀

通典卷之六
九
內外從官及武賁悉變服敝戟抽鞘以備武衛黃麾內
官從入圍裏列置部曲廣張甄圍旗鼓相見銜枚而進
甄周圍會督甄令史奔騎號法施令曰春禽懷孕蒐而
不射鳥獸之肉不登於俎不射皮革齒牙骨角毛羽不
登於器不射甄會大司馬鳴鼓蹙圍衆軍鼓譟警角至
宣武場止大司馬屯北旌門二甄師屯左右旌門殿中
中郎率護軍部曲次北旌門內之右皇帝從南旌
門入射禽謁者以獲車收載還陳於獲旗之北王公
以下以次射禽各送詣獲旗下射禽主者事畢大司
馬鳴鼓解圍復屯殿中郎率其屬收禽以實獲車奉
車奉充庖厨正厨置罇酒俎肉于中達以犒饗校獵

衆軍至晡正直侍中量宜奏嚴從官還著朱服敝戟
復鞘再嚴先置官先還二嚴後二刻正直侍中奏外
辦皇帝著黑介幘單衣次正直侍中散騎常侍給事
黃門侍郎軍校進夾御正直侍中跪奏還宮次正直
侍中稱制曰可正直侍中俛伏起乘輿登輦還衛從
如常儀大司馬鳴鼓散屯以次就舍車駕將至威儀
唱引留守填街先置前部從官就位再拜車駕至殿
前迴輦正直侍中跪奏降輦次正直侍中稱制曰可
正直侍中俛伏起乘輿降入正直次侍中散騎常侍
等從至閣正直侍中奏解嚴內外百官拜表問訊訖
罷○梁陳並依宋儀其異者置行殿於幕府山南岡

并設王公百官幕先獵一日遣馬騎布圍領軍督左
右軍將軍督右大司馬董正諸軍獵日侍中三奏一
奏槌一鼓爲一嚴二嚴訖引仗爲小駕鹵簿皇帝乘
馬戎服從者悉絳衫幘黃麾警蹕鼓吹如常儀獵訖
宴會享勞比較多少戮一人以懲亂法會畢還宮○
北齊春蒐禮有司規大防建獲旗以表獲車前一日
命布圍領軍將軍一人督左甄護軍將軍一人督右
甄大司馬一人居中節制諸軍天子陳小駕服通天
冠乘大輅詣行宮將親禽服鈹戟者皆嚴武衛張甄
圍旗鼓相見各枚而進甄常開一方以令三驅圍合
吏奔騎令曰爲獸之肉不登於俎者不射皮革齒牙

骨角毛羽不登於器者不射甄合大司馬鳴鼓促圍
衆軍鼓譟鳴角至期止大司馬屯北旌門二甄
司屯左右旌門天子乘馬從南旌門入親射禽謁者
以獲車收禽載還陳於獲旗之北王公以下以次射
禽皆送旌下事畢大司馬鳴鼓解圍復屯殿中郎率
其屬收禽以實獲車天子還行宮命有司每禽擇取
三十一曰乾豆二曰胛客三曰充君之庖其餘卽於
圍下量犒將士禮畢改服鈹者韜刃而還夏酋秋獮
冬狩禮皆同○後明仲春教振旅大司馬建大麾於
萊田之所鄉稱之官以旗物鼓鐸鈺鏡各帥其人而
致誅其後至日建麾於後表之軍中以集衆庶質明

偃麾誅其不及者乃陳徒騎如戰之陣大司馬北面
誓之軍中皆聽鼓角以為進止之節田之日於乘之
北建旗為和門諸將帥徒騎序入其門有司居門以
平其人既入而分其地險野則徒前而騎後易野則
騎前而徒後既陣皆坐乃設驅逆騎有司表馮於前
以太牢祭黃帝軒轅氏於狩地為壇建二旗列五兵
於坐側行三獻禮遂蒐田致禽以祭社仲夏教芟舍
遂苗田仲秋練兵獮田仲冬大閱遂狩其致禽享約
教習之儀並如古周法○隋大業三年煬帝在榆林
突厥啓人及西域東胡君長並來朝貢帝欲示以甲
兵之盛乃命有司陳冬狩之禮詔虞部量拔延山南

北周二百里並立表記前狩二日兵部建旗於表所

五里一旗分為四十軍軍萬人騎五千匹前一日諸

將各帥其軍集於旗下鳴鼓後至者斬詔四十道並

揚旗節分中廼令即留軍所監獵布圍圍南面方行

而前帝服紫袴褶黑介幘乘關猪車輶飾如大輅重

轂漢東京鹵簿所謂獵車駕六黑駟太常陳鼓笳鐃簫角於帝左

右各二百二十官戎服騎從鼓行入圍諸將並鼓行

赴圍乃設驅逆騎千有二百關猪軛有司歛大綬玉

公以下皆整弓陳於駕前有司又歛小綬乃驅獸出

過於帝前待詔再驅過至備身將軍奉進弓矢三驅

過帝乃從禽鼓吹皆振左而射之每驅必三獸以上

帝發抗大綏次王公發抗小綏次諸侯發射則無鼓
驅逆之騎乃止然後四夷百姓皆獵凡射獸自左膠
而射達于右膂五口為上等達右耳本為次等自左
髀達于右膂為下等群獸相從不得盡殺已傷獸不
得重射又逆向人者不射其面出表者不逐之田將
止虞部建旗於圍內從駕之鼓及諸軍之鼓俱振卒
徒皆譟諸獲禽者獻於旗所致其左耳大獸公之以
供宗廟使歸賸于京師小獸私之○大唐高祖武德
五年十二月幸涇陽之華池校獵謂群臣曰今日畋
樂幸諫議大夫蘇代長進曰陛下遊獵薄廢萬幾不
過十旬未為大樂高祖色變既而笑曰狂發耶代長曰

為臣私計即任為陛下國計即忠貞觀十六年十二
月狩于驪山時陰寒晦冥圍兵斷絕上乘高遙見之
欲捨其罰恐虧軍令乃迴轡入谷以避之末微元年
冬出獵在路遇雨因問諫議大夫谷那律曰雨衣若
為得不漏對曰能以瓦為之必不漏矣上大悅因此
不復出獵先天元年十一月獵於驪山之下侍中魏

詩諫曰嘗聞夏大康五子訓禽荒我后來冬狩三驅
盛禮張順時鷹隼擊講事武功揚奔走未及去翽飛
豈暇翔非熊從渭水瑞翟想陳倉此欲誠難縱茲遊
不可常子雲陳羽獵傳伯諫漁棠得失鑒齊楚仁恩
合禹湯雍熙諒在宥亭毒匪多傷辛則今為史虞歲
遂孔彰手制曰所進十韻三復研精良增歎美予時
因暇景為苗而畋開一面之羅展三驅之禮無情校
獵但慕前禽卿有箴規輔予不逮今賜物五十段以
獎勤開元二年十月大蒐于岐州鳳泉湯屬夜雪天寒

其圍丘並放散各賜布一端綿一屯其蒐狩之制具

開元禮

出師儀制

魏晉東晉宋後魏

北齊隋

周制大司馬制軍詰禁以糾邦國若大師則掌其戒

令泣太卜帥執事泣釁主及軍器

大師王出征伐也泣臨也主謂遷廟之主

及社主在軍中也軍器鼓鐸之屬凡師既受甲迎主於

廟及社主祝奉以從殺牲以血塗主及軍器皆神明之

司馬法曰上下及致建太常比軍衆誅後至者致謂鄉

下謀是謂參之師致民授兵從司馬之法以頒之師旅卒兩人司戈盾掌戈盾

之物而頒之分與受用者授貳軍戈盾建乘車之戈盾授旅

賁及虎士之戈盾軍行兵車不式

尚威武武車綏旌

武車亦革輅也取其建武即云兵車取其威凡軍旅

會同合其車之卒伍而比其乘屬其右合比屬謂次

卒伍戎僕掌馭戎車掌倅車之政正其服祀較如

玉輅之儀虎賁氏掌先後王而趨以卒伍王出將虎

後雖群行旅賁氏掌執戈盾夾王車而趨左八人右

八人車止則止持輪太僕則自左馭而前驅及贊王

鼓王通鼓佐擊其餘面前有水則戴青旌前有塵埃則戴鳴鳶

前有車騎則戴飛鴻前有士師則戴虎皮有摯獸則

戴貔貅戴謂舉旌於首以警衆也禮君行師從御行

象青雀水鳥也其驚鳴則天將風風生埃起鴻取

飛有行列也士師謂兵衆也虎取其有威勇貌亦



摯獸書曰如虎如貔行前朱鳥而後玄武左青龍而右白虎招

搖在上急繕其怒也以此四獸為軍陣象天也急猶堅也繕讀曰勁又畫招搖星於旌旗

也上以起居堅勁軍之威怒象天帝也進退有度度謂伐也招搖星在北斗杓端主止者

挈壺氏掌挈壺以令軍井挈轡以令舍挈畚以令糧

鄭衆云挈壺以令軍井謂為軍穿井井成挈壺懸其上令軍中士衆皆望見知此下有井壺所以盛飲故

以壺表井挈轡以令舍亦懸於所當舍止之處使軍望見知之當舍止于此轡所以駕舍故以轡表舍挈

畚以令糧亦懸畚於其所當廩假之處令軍望見知廩假於此下也畚以盛糧之器故以畚表廩軍中人

多車騎雜會雜置號令不能相凡軍事懸壺以序聚

聞故以其物為表省煩便事檠鄭衆云懸壺以為漏以序聚檠以次更聚擊檠檠備守鄭玄調擊檠兩木相敲行夜時也檠音托

戰司馬巡陣視事而賞罰戰功也若師有功則左執律右秉鉞以先愷樂獻于社功勝也律所以聽聲鉞所以為將威也先猶道

也兵樂曰愷獻功於社也故城濮之晉若師不功則厭戰春秋左氏傳曰振旅愷以入于晉

而奉主車鄭衆云厭謂厭冠喪服也軍敗則以喪禮郊次向師而哭鄭玄謂厭伏冠也春秋傳曰秦伯素服

也奉猶送也送主歸於廟與社王弼勞士庶子則親

師敗王親弔士庶子之從軍者或謂之庶士○漢興設南

北軍之備外命天下郡國選能引強蹶張材力武猛

者以為輕車騎士材官樓船常以立秋後郊禮畢斬

牲於東門以薦陵廟肆孫吳兵法六十四陣每月

都課試金革騎士各有員數如有寇警平地用車騎

山阻用材官水泉用樓船孝文納晁錯之策以為軍

之勝負定於內有事則可以應於外頗祖周司馬法

齊寄政之制管子寓徙人於邊以起軍伍元帝用貢

禹議始罷角抵戲。後漢初立秋之日自郊禮畢始揚威武斬牲於郊東門以薦陵廟兵儀乘輿御戎輅白馬朱鬣躬執弩射牲牲用鹿麋太宰命謁者各一人載以獲車馳駟送陵廟還宮遣使者齎束帛以賜武官武官肄兵習戰陣之儀斬牲之禮名曰貊劉兵官皆肄孫吳兵法六十四陣既還公卿以下陣雒陽街乘輿到公卿已下拜天子下車公卿親識顏色然後還宮靈帝中平五年以天下黃巾賊起大發四方兵講武耀兵於平樂觀以小黃門蹇碩爲上軍校尉武賁中郎將袁紹爲中軍校尉屯騎校尉鮑鴻爲下軍校尉議郎曹操爲典軍校尉趙融爲助軍左校尉馮芳

爲助軍右校尉諫議大夫夏年爲左校尉淳于瓊爲右校尉凡八人皆統於碩起大壇上十二重五采華蓋高十丈壇東北爲小壇復建五采華蓋高九丈列步騎軍士數萬人結營爲陣天子親出臨軍駐大華蓋下大將軍何進駐小華蓋下禮畢帝躬擐甲介馬稱爲上將軍行陣三匝還獻帝建安二十一年有司奏古四時講武按漢西京率制三時不講唯十月都試金革今兵戈未偃士衆素習可無四時講武但以立秋擇吉日大明車騎號曰閱兵上合禮名下承漢制是冬閱兵魏王曹操親執金鼓以令進退延康元年曹丕嗣魏王其年秋閱兵于郊公卿相儀王御華

蓋親執金鼓之節。○魏明帝大和元年十月閱兵于東郊。○晉武帝太始四年九月咸寧元年大康四年六年冬皆自臨宣武觀大閱習衆軍然不自令進退自惠帝以後其禮遂廢。○東晉元帝詔左右衛及諸營教習依大習儀成帝咸和中詔內外諸軍戲於南郊之場故其地因名閱場。自後蕃鎮桓庾諸方伯往往閱習然後朝廷無事焉。○宋文帝依故事肄習衆軍兼用漢魏之禮其後以時講武於講武堂。○後魏明帝永興五年以九月十月之交親行驅劉之禮孝成帝和平三年因歲除大儺遂耀兵示武更爲制令步兵陳於南騎士陳於北各擊鍾鼓以爲節度其步

兵所衣青赤黑黃別爲部隊楯稍矛戟相次周廻轉易以相赴就有飛龍騰蛇之變爲函箱魚鱗四門之陣凡十餘法跪起前却莫不應節陣畢南北二軍皆鳴鼓角衆盡大譟各令騎將六千人去來挑戰步兵更進退以相拒擊南敗北捷以爲威觀自後以爲常。○北齊常以季秋皇帝講武於都外有司先芟萊野爲場爲三軍進止之節輿駕停觀遂命將教衆爲戰場之法凡爲陣少者在前長者在後其還則長者在前者在後長者持弓矢短者持旌旗勇者持鉦鼓刀楯爲前行戰士持槊者次之弓箭爲後行將帥先教士目使習見旌旗指麾之蹤發起之意旗卧則跪

通典卷之六
次教士耳使習聽金鼓動止之節聲鼓則進鳴金則止次教士心使知刑罰之苦賞賜之利次教士手使習持五兵之便戰鬪之備次教士足使習跪起及行嶮泥之塗前五日皆請兵嚴於場所依方色建旗爲和門都墀之中及四角皆建五綵牙旗應講武者各集於其軍戒鼓一通軍士皆嚴備二通將士擐甲三通步軍各爲直陣以相俟大將各處軍中立旗鼓下有司陳小駕鹵簿皇帝武弁乘革輅大司馬介冑乘馬奉引入行殿百司陪列位定二軍迭爲客主先舉爲客後舉爲主從五行相勝法爲陣以應之○隋大業七年征遼東衆軍將發御臨朔宮親授節度每軍

大將亞將各一人騎兵四十隊隊百人百人置一



團有偏將一人第一團皆青絲連明光甲鐵具裝青
纓拂建後猊旗第二團絳絲連朱犀甲獸文具裝赤
纓拂建邪猊旗第三團白絲連明光甲鐵具裝素纓
拂建辟邪旗第四團烏絲連玄犀甲獸文具裝建六
駁旗前部鼓吹一部大鼓小鼓及鼙長鳴中鳴等各
十八具桐鼓金鈺各三具後部鏡吹一部鏡二百歌
蕭及笳各四具節鼓一面篳又步卒八十隊分爲四
策橫笛各四具大角十八具

團團有偏將一人第一團每隊給青隼盪幡一第二

舍隼盪幡一第四團每隊黃隼盪幡一第三團每隊

一長槊楯弩及甲毳等各補兵數受降使者一人

給二馬輜車一乘白獸幡及節每承詔慰撫不受大

一騎吏三人車輻白從十二人

將節制戰陣則爲監軍軍將發候大角一通步卒第
一團出營東門東向陣第二團出營南門南向陣第
三團出營西門西向陣第四團出營北門北向陣四

面圍營然後諸團嚴駕立大角三通則鐃鼓俱振第一團引行隊間相去各十五步次第二團次前部鼓吹次弓矢一隊合二百騎建蹲獸旗炮槩二張大將在其下次鞞馬二十四次大角次後部鐃吹次第三團次第四團次受降使者次及輜重戎車散兵等亦有四團第一輜重出收東面陣分為兩道夾以行第二輜重出收南面陣夾以行第三輜重出收西面陣夾以行第四輜重出收北面陣夾以行亞將領五百騎建騰豹旗殿軍後至營則第一團騎陣於東面第二團騎陣於南面鼓翊大將軍居中駐馬南面第三團騎陣於西面第四團騎陣於北面合為方陣四面

外向步卒翊輜重入於陣內以次安營定四面陣者引入營亞將率驍騎遊奕督察其安營之制以車外布間設馬槍次施兵幕內安雜畜事畢大將亞將等各就牙帳其馬步隊與軍中散兵交為兩番五日而代於是每日遣一軍發相去四十里連營漸進二十四日續發而進首尾相繼鼓角相聞旌旗亘九百六十里天子六軍次發兩部前後先置又亘八十里通諸道合三十軍亘千四十里諸軍各以帛為帶長尺五寸闊二寸題其軍號為記御營內者合十衛三臺五省九寺並分隸內外前後左右六軍亦各題其軍號不得自言臺省王公以下至於兵馬廝隸悉以帛為

帶綴于衣領名軍記帶諸軍並給幡數百有事使人
交相去來者執以行不執幡而離本軍者他軍驗軍
記帶知非本部兵則所在斬之○大唐顯慶二年十
一月二十一日講武於渚水之南行三驅之禮上設
次於尚書臺以觀之時許州長史封道弘奏言後漢南郡太守馬融講尚書於此因
為名今請改為五年三月八日文講武於并州城北
上御飛閣群臣臨觀之左衛大將軍張延師為左軍
左右驍武等六衛左羽林騎士屬焉左武侯大將軍
梁建方為右軍左右威領武侯等六衛右羽林騎士
屬焉一鼓而誓衆再鼓而整列三鼓而交前左為曲
直圓銳之陣右為方銳直圓之陣三挑而五變步退

而騎進五合而各復位許敬宗奏曰延師整而堅建
方敢而銳皆良將也上曰講閱者安不忘危之道也
梁朝衣冠甚盛人物亦多侯景以數千人渡江一朝
瓦解武不可贖人不可棄此之謂也武太后聖曆二
年欲以季冬講武有司延入孟春時王方慶上疏曰
謹按禮記月令孟春之月天子命將帥講武習射御
角力此乃三時務農一時講武蓋王者常事安不忘
危之道也孟春之月不可稱兵兵者干戈甲冑之總
名兵金也金性尅木春盛德在木金氣以害盛德逆
生氣孟春行冬令則水潦為敗霜雪大摯首種不入
按蔡邕月令章句太陰休少陽尚微而行冬令以導

水氣故水潦至而敗生物也霜雪大摯折傷者也太
陰干時雨雪而霜故傷首種種謂粟麥也麥以秋種
故謂之首種入收也為
今月令首種稷非麥今孟春講武是行冬令以陰
故犯陽氣害發生之德臣恐水潦敗物雪霜損稼宿
麥不登無所收入也請至明年孟冬教習以順天道
從之先天二年十月十二日講武於驪山之下徵兵
二十萬戈鋌金甲照耀天地列大陣於長川坐作進
退以金鼓之聲節之玄宗親擐戎服持大鎗立於陣
前兵部尚書郭元振以虧失軍容坐於纛下將斬之
宰臣劉幽求張說跪于馬前諫曰元振翊戴上皇有
失功於國雖違軍令不可加刑伏願寬宥乃捨之

流新州給事中知禮儀唐紹以草軍儀有失斬之

既怒唐紹衆情猶與寬之會右金吾將軍李觀據請斬
之人皆痛惜紹而深谷邈尋有制罷邈官遂擢廢終

身薛納為左軍節度衆以元帥及禮官得罪諸節部

頗亦失序唯納及解琬軍不動上令輕騎召納等至

軍門不得入禮畢特加慰勞

命將出征後漢 魏 北齊 大 唐

漢高帝初為漢王都漢中將還定三秦擇良日齋戒

設壇場具禮拜韓信為大將軍部置諸將東出陳倉

收秦地○魏故事遣將出征符節郎授節鉞跪而推

轂○北齊命將出征則太卜詣廟灼龜授鼓旗於廟

皇帝陳法駕服袞冕至廟拜於太祖徧告訖降就中



階引上將操鉞授柯曰從上至天將軍制之又操斧授柯曰從下至泉將軍制之將軍既授斧鉞對曰國不可從外理軍不可從中制臣既受命有鼓旗斧鉞之威願假一言之命於臣帝曰苟利社稷將軍裁之將軍就車載斧鉞而出皇帝推轂度閭曰從此以外將軍制之○後周制大將出征遣太祝以羊一祭所過名山大川明帝武成元年吐谷渾寇邊帝戎服乘馬遣大司馬賀蘭祥討之告於太祖之廟司憲奉鉞進授大將拜受以授從者禮畢出甲兵○隋制皇太子親戎及將軍出師則以假肥一釁鼓皆告祖廟授斧鉞訖不得反宿於家開皇八年晉王廣將伐陳內

史令李德林攝太尉告于太廟禮畢命有司宜于社
二十一年太尉晉王廣又北伐突厥次河上禡祭軒轅
黃帝以太牢制幣陳甲兵行三獻之禮○大唐之制
如開元禮

宣露布

後魏 隋 大唐

後魏每攻戰剋捷欲天下聞知乃書帛建於漆竿上
名為露布自此始也其後相因施行○隋文帝開皇
中詔太常卿牛弘撰宣露布禮及九年平陳元帥晉
王以驛上露布兵部奏請依新禮集百官四方客使
等並赴廣陽門外服朝衣各依其列內史令稱有詔
在位者皆拜宣訖蹈舞者三又拜而罷○大唐每平

蕩寇賊宣露布其日守宮量設群官次露布至兵部
侍郎奉以奏聞仍集文武群官客使於東朝堂中書
令宣布具如開元禮武德元年十二月秦王平薛仁
果凱旋獻於太廟二年五月秦
王破宋金剛復并州故地凱旋獻捷於太廟四年七
月秦王平東都被黃金甲陳鐵馬一萬甲士三萬以
玉世充竇建德及隋文物輦輅獻捷於太廟貞觀四
年三月李靖俘頡利可汗獻捷於太廟永徽元年九
月高侃執車鼻
可汗獻於太廟

杜氏通典卷第七十六終





不 許 複 製

NOT TO BE REPRODUCED

東京大学東洋文化研究所